

Mensahe 8

Ang Nagkadaiyang Kaalam sa Dios

Basahong Kasulatan: Prov. 1:2; 8:1-31; 9:10; Rom. 11:33;
1 Cor. 1:24, 30; Col. 2:2-3; Efe. 3:10

I. Gihatagag gibug-aton sa basahon sa Mga Proverbio ang kaalam nga nadawat nato sa Dios tungod sa pagkontak nato sa Dios—1:2; 2:10; 4:5; 9:10; 11:2; 14:33:

- A. Ang hisgotanan sa Mga Proverbio mao ang pagkinabuhi sa diosnong kinabuhi pinaagi sa kaalam sa Dios—3:13-18; 8:11.
- B. Ang sentrong hunahuna sa Mga Proverbio mao nga magtinguha gyod tag kaalam aron makakinabuhi ta sa diosnong kinabuhi dinhi sa yuta nga hinangponon sa Dios—2:1-9.
- C. Naggikan sa Dios ang kaalam: “Mohatag si Jehova og kaalam; Mogula gikan sa Iyang baba ang kahibalo ug pagpanabot”—v. 6.
- D. Labi pa kabililhon ug kamaayo ang kaalam kaysa bulawan, salapi, ug mga corales, ug mas tilinguhaon pa kaysa bisan unsang butang—3:14-15; 8:11, 19.
- E. Sa pila ka bahin sa Mga Proverbio gipakapersona ang kaalam sa Dios—1:20; 3:19; 4:5-9; 8:1-36:
 1. Kining pagpersona sa kaalam sa Dios nagpasabot sa ikaduha sa Diosnong Trinidad, nga nahimong kaalam gikan sa Dios sa tanang magtutuo sa Bagong Tugon—Mat. 11:19; Col. 2:3; 1 Cor. 1:24, 30.
 2. “Pinaagi sa kaalam gitukod ni Jehova ang yuta”—Prov. 3:19:
 - a. Kini Siya nga pinaagi Niya gitukod ni Jehova ang yuta ug giestablisar ang mga langit mao si Cristo, nga kaalam sa Dios—1 Cor. 1:24.
 - b. Ang kaalam, ingon nga batid nga magbubuhay sa paglalang sa Dios sa tanang butang, mao ang Iyang kalipay—Prov. 8:30.
 - c. Gilalang sa Dios ang tanang butang pinaagi ni Cristo, nga kaalam ug kalipay sa Dios—3:19; Col. 1:16-17; Heb. 1:2.

II. Gihisgotan sa Roma 11:33 ang kaalam sa Dios: “O, ang kalalom sa kadato ug kaalam ug kahibalo sa Dios!”:

- A. Importante nga makita nato ang kalainan sa kaalam ug kahibalo—v. 33:
 1. Alang sa pagplano ug pagbuot ang kaalam—Efe. 1:9; 3:11.
 2. Makita ang kaalam sa pagpasiugdang butang, ingon sa gipakita sa Roma 11:36: “Gikan Niya ug pinaagi Niya ug ngadto Niya ang tanang butang.”
 3. Ang Dios maoy bugtong-talagsaong Tigpasiugda: “Usa ra ka Dios, ang Amahan, ug gikan Niya ang tanang butang”—1 Cor. 8:6:
 - a. Gipasiugdahan sa Dios ang daghang butang, dili pinaagi sa Iyang kahibalo kondili sa Iyang kaalam—Prov. 3:19; 8:12, 22-31.
 - b. Sa pag-anhi sa Dios aron iaplikar ang Iyang gipasiugdahan, gipasundayag Niya ang Iyang kahibalo.
- B. Ang kaalam sa Dios mao ang “kaalam sa Dios diha sa misteryo, ang kaalam nga gitagoan, nga gitagana nang daan sa Dios sa wala pa ang kapanahonan alang sa atong himaya”—1 Cor. 2:7:

1. Ingon nga sentro sa Dios ug pahat nato nga mapahimuslan nato, si Cristo ang kaalam sa Dios diha sa misteryo nga lalom ug tulokibon—Rom. 11:33.
 2. Sulod sa Dios dunay kaalam diha sa misteryo; gitagoan kining kaalama ug gitagana nang daan sa wala pa ang kapanahonan alang sa atong himaya—1 Cor. 2:7.
- C. “Ngadto sa bugtong maalamong Dios pinaagi ni Jesucristo, ma-Iya ang himaya hangtod sa kahangtoran. Amen”—Rom. 16:27:
1. Diha sa mga iglesia lokal sa tibuok yuta, maghimaya tang tanan sa bugtong maalamong Dios.
 2. Gihatag sa maalamong Dios si Jesucristo kanato sumala sa pagpadayag sa misteryo, nga gihilom sa katuigan sa mga kapanahonan, nga mao sab ang nagluwas nato, nag-anak pag-usab kanato, ug pinaagi sa diosnong pagpaambit Niya mapadayonong nagbag-o ug nagtransporma nato, ug sa kapulihay maghimaya nato ug magpasama nato sa dagway sa panganayng Anak sa Dios, magdala nato sa himaya—v. 25; 3:24-25; 5:10; 8:16, 23, 29; 12:1-2.

III. Si Cristo ang kaalam sa Dios—1 Cor. 1:24:

- A. Sa Bag-ong Tugon ang gipakapersonang kaalam sa Dios mao si Cristo nga realidad niini—Prov. 8:1, 12; 9:1; Luc. 2:40, 52; 7:35; Mat. 11:19:
1. Napadayag ang kaalam sa pagkadios ni Cristo nunot sa pagtubo sa Iyang lawas—Col. 2:2-3; Luc. 2:40, 52.
 2. Gipakita sa Mateo 11:19 nga ang kaalam mao si Cristo:
 - a. Tanang gibuhat ni Cristo gibuhat pinaagi sa kaalam sa Dios, nga si Cristo mismo—1 Cor. 1:24.
 - b. Gimatarong, gipamatud-an, kining kaalama sa maalamong mga buhat Niya, sa maalamong binuhatan Niya.
 3. Niingon si Ginoong Jesus sa Lucas 7:35, “Matarongon ang kaalam sa tanan niyang anak”:
 - a. Ang mga nituo ni Cristo mao ang mga anak sa kaalam, nga nagmatarong ni Cristo ug sa Iyang binuhatan ug nisunod Niya nga ilang kaalam.
 - b. Ang buhat ni Cristo pagpalugwa man kanato nga mga anak sa kaalam nga nagtagad sa kinabuhi sa kaalam.
- B. Diha ni Cristo “natago ang tanang bahandi sa kaalam ug kahibalo”—Col. 2:3:
1. Ang Dios maoy bugtong-talagsaong tinubdan sa kaalam ug kahibalo:
 - a. Subayon gyod nato ang kaalam ug kahibalo sa tinuod nga tinubdan niini diha sa Dios—1 Cor. 8:6.
 - b. Natago ang tanang bahandi sa kaalam ug kahibalo diha ni Cristo, nga misteryo sa Dios—Col. 2:2-3.
 2. Ang kamatuoran nga gipakalawas ang kaalam ug kahibalo diha ni Cristo gipamatud-an sa mga pulong nga Iyang gipamulong, ilabi na sa mga nasulat sa Mga Ebanghelyo ni Mateo ug Juan:
 - a. Naay kinalabwang pilosopiya ang mga pulong sa Ginoo nga nasulat ning duha ka basahon.
 - b. Lalom ug tulokibon ang hunahunang naa sa mga pulong sa Ginoo.
 3. Kay gitipigan man ang kaalam ug kahibalo diha ni Cristo ingog bahandi, dili nato mabatonan ang kaalam ug kahibalo kon dili nato mabatonan si Cristo—Col. 1:27; 3:4, 10-11.
 4. Kon bansayon nato ang atong pagkatawo sa pagkontak sa Ginoo, suropan ni Cristo nga Espiritung taghatag-og-kinabuhi ang atong espiritu ug salabotan, ug masinati nato ang kaalam ug kahibalo nga natago diha ni Cristo—2:3.

IV. Isip mga magtutuo, naa ta ni Cristo, ug nahimong kaalam nato gikan sa Dios si Cristo—1 Cor. 1:30:

- A. Ang pagkamao ug nabatongan natong mga magtutuo, nga bag-ong kabuhatan, iya gyod sa Dios, dili sa atong kaugalingon—Rom. 11:36.
- B. Ingon nga kaalam nato, malangkobon-sa-tanan si Cristo, nga nahimong kaalam nato gikan sa Dios diha sa pagkamatarong, pagkabalaan, ug pagtubos—1 Cor. 1:30:
 - 1. Pinaagi ni Cristo nga pagkamatarong nato, gimatarong ta sa Dios aron ipanganak ta pag-usab diha sa atong espiritu para makadawat sa diosnong kinabuhi—Rom. 5:18.
 - 2. Pinaagi ni Cristo nga pagkabalaan nato, gibalaan ta diha sa atong kalag, sa ato pa, gitransporma sa atong salabotan, pagbati, ug pagbuot sa Iyang diosnong kinabuhi—6:19, 22; 12:2; 2 Cor. 3:18.
 - 3. Si Cristo nga katubsanon nato alang man sa pagtubos sa atong lawas, nga pinaagi niini usbon ang dagway sa atong lawas sa Iyang diosnong kinabuhi aron maato ang mahimayaong pagkasama Niya—Rom. 8:23; Fil. 3:21.
- C. Ang *nato gikan sa Dios* sa 1 Corinto 1:30 nagpasabot sa kasamtangan, praktikal, ug masinating butang pinaagi sa pagpalatay:
 - 1. Kanang mahimong kaalam nato si Cristo gikan sa Dios nagpasabot nga gipalatay si Cristo nga kaalam gikan sa Dios nganhi nato alang sa adlaw-adlawng pagsinati nato—v. 30.
 - 2. Walay hunong gyod untang moagay si Cristo nga kaalam gikan sa Dios nganhi nato aron mahimong kasamtangan ug praktikal nga kaalam nato sa atong kasinatian.
 - 3. Kon magpabilin ta sa Ginoo aron makadawat sa Iyang pagpaambit (Juan 15:4-5), ikapalatay Siya nganhi nato ingon nga kaalam nga modumala sa nagkalainlaing problema ug mga butang.
 - 4. Kon nausa ta sa Ginoo ug nidawat sa Iyang pagpaambit, masinati ug mapahimuslan nato Siya nga kaalam nato matag adlaw ug matag takna—1 Cor. 6:17; 1:30.

V. Pinaagi sa iglesia ikapahibalo ang nagkadaiyang kaalam sa Dios ngadto sa mga magbubuot ug mga pagbulot-an diha sa kalangitan—Efe. 3:10:

- A. Ang mga magbubuot ug mga pagbulot-an mao ang mga magbubuot ug mga pagbulot-an sa mga manulonda, maayo ug daotan.
- B. Labi gyong gipasabot sa Efeso 3:10 ang mga daotan—si Satanas ug ang iyang mga manulonda:
 - 1. Dunay iyahang gingharian, mga manulonda, ug ginsakpan nga kabut-an si Satanas—Mat. 12:26; 25:41; Efe. 6:12:
 - a. Naa sa kahanginan ug sa yuta ang ginsakpan nga kabut-an ni Satanas—2:2; 1 Juan 5:19.
 - b. Nagpakita ang basahon ni Daniel nga naa sa pagbuot ni Satanas sa kahanginan ang tanang nasod sa yuta—10:13.
 - 2. Pinaagi sa iglesia ipahibalo sa Dios ang Iyang kaalam dili labi gyod sa mga tawo kondili sa masupilong mga manulonda nga mga magsusunod sa kaaway sa Dios—Bug. 12:7.
- C. Bisan ang pagsupil ni Satanas naa man sa ginsakpan sa kaalam sa Dios—Isa. 14:12-14:
 - 1. Kon dili pa tungod sa pagsupil ni Satans, dili unta hingpit nga ikapahibalo ang kaalam sa Dios.

2. Nakamugna si Satanas og daghang higayon nga ikapadayag ang kaalam sa Dios sa nagkadaiyang paagi, sa ato pa, sa daghang paagi ug aspeto ug sa daghang anggulo—Efe. 3:10.
 3. Sa kapulihay, mabuntog si Satanas, nga kaaway sa Dios ug makaila sa nagkadaiyang kaalam sa Dios—v. 10.
- D. Moambit ug mopahimulos ngani sa kadato ni Cristo ang pinili ug tinubos nga katawhan sa Dios, mag-umol nila nga iglesia kining kadatoa, nga pinaagi niini ikapahibalo ang nagkadaiyang kaalam sa Dios ngadto sa mga magbubuot ug mga pagbulot-an sa mga manulonda sa kalangitan—vv. 8-10:
1. Moabot ang adlaw nga, pinaagi sa iglesia, pakaulawan si Satanas ug ang iyang mga manulonda.
 2. Makaamgo sila nga tanang gibuhath nila naghatag og higayon sa Dios nga makapadayag sa Iyang kaalam.

VI. Mapuno sa kaalam ang Bag-ong Jerusalem, nga kinataposang kahingpitan sa iglesia—Bug. 1:11; 21:2, 9-11; 22:16:

- A. Giplano ug gitukod ang Bag-ong Jerusalem sa Dios, nga Arkitekto ug Magtutukod “sa syudad nga dunay mga patukoranan”—Heb. 11:10:
1. Nagpakita kini nga hanas nga Tigplano ug kinamaayohang Artesano ang Dios.
 2. Kay ingon niana man nga Arkitekto ug Magtutukod, wala gyod magplano ug magtukod ang Dios og pisikal nga syudad—Bug. 21:9-11.
 3. Ang pag-ingon nga pisikal nga syudad ang Bag-ong Jerusalem pagbiaybiay man sa kaalam sa Dios ug pagtamay Kaniya nga walay kataposan, maalamong Arkitekto—Heb. 11:10.
 4. Nagplano ug nagtukod ang Dios og espirituhang butang nga hiniusang magpadayag Niya—Bug. 21:9-11.
 5. Sa kaalam sa Dios gitukod Niya ang Bag-ong Jerusalem sa pagpaambit Niya sa Iyang Kaugalingon isip Arkitekto ug Magtutukod nganhi sa atong pagkatawo—Heb. 11:10; 2 Cor. 13:14; Bug. 21:2; 22:1-2.
- B. Kon nakaamgo ta nga ilhanan ang Bag-ong Jerusalem nga nagtimaan sa espirituhang ug diosnong mga butang, makakita dayon ta sa kaalam sa Dios ning syudara—1:1; 21:9-11.
- C. Maalamong Arkitekto ug Magtutukod ang Dios nga nagplano ug nagtukod nianang syudara nga mahimong hingpit nga pagpadayag sa nagkadaiyang kaalam Niya—Efe. 3:10; Bug. 21:2, 9-11.